

A1^v

Erinnerung zum Christlichen
Lefer.

DJeweil diefe Richtfchnur der Ors
denßleuch mehrentheils auß den
geiftreichen Schrifften R. P. Iaco
bi Aluarez de vita religiofe infituenda,
vnd deß H. Vatters Bafilij Magni zufam
men gezogen vnd verteutfcht ift/ wirdt Al.
martz durch den buchftaben A. Bafilij
durch den buchftaben B. angedeutet.

A2^r

Der Edlen/ vnd vil tugent^z
 reichen Jnngfrauwen Elizabeth
 Grael/ zeitliche vnd ewige wol^z
 fahrt durch Chriftum
 Jefum.

VNder allen geiftlichen vbun^z
 gen gottliebender Chriften/
 Edie vnnd vieltugendtreiche
 Jungfraw/ ift nit die gering^z
 fte/ offtmal mit fleiß vnd auffmerckfamkeit
 ja mit geiftlichem hunger vn̄ begird/ geift^z
 liche andächtige Bücher lefen. Dañ durch
 dieses lefen werden jre begirden jederzeit in
 den tugenten fortzuſchreiten wunderbar^z
 licher weiß erneuert, hiedurch lernen fie
 verftehen ihre gebrechen vnd viel geheim^z
 nuffen erkennen/ hiedurch heilen fie jhre
 ſcrupel vnd zweiffel/ finden artzney für die
 trübfal vnd anfechtungen/ verſamben ihr
 zerftrewtes Hertz/ erwecken die entſchlaff^z
 ne andacht/ vnnd vertreiben den müffig
 gang/ einen vrſprung aller Lafter. Daher
 als die H. Jungfraw Theodofia zu einem
 vnzüchtigen Ort geführt wart/ da fie jrer
 keuchheit folte beraubt werden/ beſchützte
 fie ſich mit keinen andern Waffen als mit
 andächtigem lefen der H. Euangelien.

A ij Vnd

A2^v

Dedication.

- Pfal. 1. Vnd darumb hat der H. Hieron. recht gesagt/ daß die Speiß der Seelen sey/ tag vnd nacht im Gefetz deß Herrn trachten.
- Wegen dieser vrfachen haben so viel taufent hochgelehrter vnnnd geiftreicher ja so viel heiliger Männer mit großem eiffer vnzählich viel Bücher geschrieben/ der Chriſten Seelen damit zu speifen/ vnd die vnglaubigen Chriſto zuzuführen. Ja wir lesen bey den griechischen Historienſchreibern/ daß vnder dem Keyſer Conſtantins Copronymo dem Bildenſtürmer/ auff eine zeit drey hundert vnnnd zwey vnnnd viertzig Religiöſen gefänglich eingezogē ſein/ vnd jrer etlichen die Ohren abgeſchnitten/ etlichen die Naßlöcher außgeſchnitten/ etlichen die Augen außgeſtochen/ etlichen die Händ abgehawen/ darumb daß ſie alle zuſammen jre Federn gegen das Bildtſtürmen geſchärpfft/ das iſt/ die verehrüg der Bilder Chriſti vnd der Heiligen mit iren Büchern/ ſo ſie geſchrieben/ verthädigt hatten. Haben nun vnſere gottfelige Voreltern/ die nachfolger der Apoſtel/ die heiligen Bâpſt/ Biſchoffe vnnnd Doctorn der Kirchen/ ſo groffen ernſt diſe Seelenſpeiß außzutheilen/ gebraucht/ ehe typographia oder die kunſt Bücher zu drucken/ erfunden

A3^r

Dedication.

den war/ wie vil mehr wil dann/ allen liebhabern der ewigē Seligkeit jres nechften/ jetzt gebüren derofelben gottfeligen eiffer nachzufolgen/ infonderheit weil wir sehen daß auch die feindt Gottes vnd feiner Kirchen beynah alle tag vnzähllich viel schädlicher Bücher durch den Druck außtheilen/ auch hoher Fürften vnnd Potentaten Aulas vnnd gemeine Bibliotbecas darmit erfüllen.

Damit derhalben auch ich meine liebe gegen die edle Seelen der Chriſten/ beuorab der geiftlichen Ordenßleuth öffentlich an den tag möchte geben/ hab ich jnen dieſe Seelenpeiß/ dieſes andächtiges Büchlein/ inn die Handt wöllen geben/ auff daß ſie darauß möchten erlernen wie man ſich zu dieſem allerheiligſten Standt müſſe bereiten/ was ſie in demſelben jederzeit ſchuldig ſein Gott dē Herrn/ jren Vorſtehern/ jrem H. Orden/ jren geiftlichen Mitbrüdern vnd Schweſtern/ den frembdlingen vnnd ſich ſelbſten/ auch was ſie alle Tag/ alle Wochen/ alle Monat/ vnd alle Jahr müſſen verrichten.

Dieweil aber Edle vnd vieltugentreiche Jungfraw ein löbliche gewonheit iſt neue gedruckte Bücher fürnehmen vnnd anfe-

A ij henli-

A3^v

Dedication.

henlichen Perſonen zuſchreiben/ vnnd
 mir dann ſicher bewußt iſt daß E. Ed. L.
 ſonderlich zu leſung andächtiger Bücher
 mit ſonderm eiffer geneigt iſt/ dardurch ſie
 dann jhre edle Seele mit allerley tugenten
 je lenger je mehr zieret vn̄ ſchmückt/ auch
 daß ſie ein eifferige liebhaberinn vnd befür-
 derinn aller rechtſchaffenen geiſtlichen Or-
 denßleut biß in jr Grab begehrt zu bleiben/
 (welchen gottfeligen eiffer mir die geiſtli-
 che Jungfrauen deß ſehr andächtigen
 Gottshauſes Oelde im Stiftt Ofnadrück
 vor etlichen Jahren nicht gnugſam haben
 können rühmen vnnd loben) hab ich dieſen
 güldenen Richtſchnur deß lebens aller Re-
 ligioſen E. Ed. L. zu derofelben ſonderli-
 chen ehren vnd ftättem ruhm mit gebüren-
 der demuth offeriern vnd dediciern wollen
 vnd ſollen. Dann billich müſſen wir Ca-
 tholiſche Chriſten ſolche edle viel tugend-
 reiche Jungfrauen (durch welcher leben-
 digſ Exempel wir zu allen tugendten an-
 gereitzt werden) veueriern vnnd ehren wie
 wir können vnd mögen. Bitte in aller de-
 muth E. Ed. L. wolle ihr dieſe zu Gottes
 ehren gerichtete Dedication/ jhrer beſchei-
 denheit nach/ gefallen laſſen/ Solches wil
 ich mit allen Chriſtlichen dienſten/ meinem
 ver-

A4^r

Dedication.

vermögen nach/ jederzeit zu verdienen
inich vnderfangen. Der miltreicher Gott
wölle E. Ed. L. zu vieler Seelen wolfahrt
noch viel Jahr lang inn gutem wolftandt
vnd starcker geiftlicher vnd leiblicher ge-
fundtheit/ als ein hellfcheinendt Sonn die-
fer Statt Münfter/ bey vns erhalten. Da-
tum Münfter Anno 1614. am Tag der H.
Jungfrawen Gertrudis.

E. Ed. L.

freund- vnd dienft-
williger

Matthaus Tympius
Theol.

A iiij Das